



UNIVERSITI
TEKNOLOGI
MARA



UiTM NEWS HUB
Hab Berita Rasmi UiTM



[Home](#) / [2025](#) / [July](#) / Majlis Penghargaan Kesatria 2025 Tampilkan Keunggulan Sahsia dan Seni di UiTM

GRU2025

17/07/2025 / DATUK ISRI MOHD NOR HASRIK PASOLONG



Shah Alam, 15 Jun 2025 — Lebih 300 hadirin hadir dalam suasana penuh gilang-gemilang sempena *Majlis Penghargaan Kesatria – Orkestra Kesatria 2025* yang berlangsung di Dewan Agung Tuanku Canselor (DATC), Universiti Teknologi MARA (UiTM). Majlis ini dianjurkan bagi meraikan komitmen luar biasa para pelatih dan jurulatih Kesatria dalam memupuk sahsiah, kepimpinan dan semangat patriotisme mahasiswa.

Majlis berprestij ini disempurnakan oleh YBhg. Leftenan Jeneral (B) Prof. Dr. Mohd Sazili Shahibi, Timbalan Naib Canselor (Hal Ehwal Pelajar), yang turut menyampaikan penghargaan kepada warga Kesatria atas dedikasi tinggi sepanjang program pembangunan holistik berlangsung.

Turut hadir memberikan sokongan ialah barisan kepimpinan UiTM termasuk ahli Mesyuarat Eksekutif Universiti (MEU) iaitu Prof. Ts. Dr. Norazah Abd Rahman, TNC Penyelidikan & Inovasi, Prof. TPr. Dr. Jamalunlaili Abdullah, TNC Jaringan Industri, Komuniti & Alumni, Prof. Ir. Ts. Dr. Juliana Johari, Ketua Pegawai Digital UiTM.



Majlis turut menampilkan detik bersejarah melalui penyampaian Anugerah Pelatih Terbaik Seksyen dan Anugerah Pelatih Terbaik Keseluruhan, sebagai pengiktirafan terhadap kecemerlangan disiplin, kepimpinan dan prestasi latihan dalam kalangan pelatih.

Menurut Pengarah Pusat Kokurikulum UiTM, Datuk Dr. Hasrol Jono, acara turut diserikan dengan persembahan eksklusif Orkestra Kesatria, hasil gabungan bakat seni dan kreativiti para pelatih. Persembahan ini mencerminkan nilai estetika yang berpaksikan disiplin dan semangat kenegaraan, selaras dengan aspirasi Kesatria UiTM.

Majlis ini bukan sahaja menjadi medan penghargaan pencapaian pelatih, malah menjadi pemangkin semangat baharu buat warga Kesatria agar terus unggul dalam bidang akademik, kokurikulum dan kepimpinan.

UiTM terus komited dalam melahirkan mahasiswa holistik yang bersedia menjadi pemimpin berintegriti serta berjati diri tinggi demi agama, bangsa dan negara.

[in Share](#) [f Share](#) [X Post](#)

Tags: [Sabadan Hari Lahir Pelajar \(SHLP\)](#), [Orkestra Kesatria](#), [Pusat Kokurikulum \(PKO\)](#), [Universiti Teknologi MARA \(UiTM\)](#)

< [UiTM Perkukuh Hubungan Malaysia–Indonesia melalui Sukarelawan Global di Lombok](#)

[UiTM Pahang Cipta Kejayaan Antarabangsa di Kejohanan LRC SUP Race 3.0 2025](#) >

QUICK LINKS

[Ministry of Higher Education](#)
[Academic Calendar](#)
[Intake Calendar](#)
[Graduate Quick Search](#)
[Library](#)
[UiTM Holdings](#)
[WiFi UiTM](#)
[E-Complaint](#)

HUBUNGI KAMI

Universiti Teknologi MARA (UiTM)
40450 Shah Alam, Selangor Darul
Ehsan
Malaysia

Tel: +603-5544 2051 / 2000

